

USVOJENI DNEVNI RED 7. VANREDNE SJEDNICE GRADSKOG VIJEĆA TUZLA
ODRŽANE 15.1.2026 GODINE (broj 01/04-A-176-2026)

1. Razmatranje informacije u vezi sa realizacijom Odluke Gradskog vijeća Tuzla o utvrđivanju javnog interesa za izgradnju elektroenergetskog objekta KBTS 10(20)/0,4 kV „Simin Han 1“ sa priključnim 10 (20) kV srednjenaponskim vodom na lokaciji Simin Han u gradu Tuzli kao i o razlozima višegodišnjeg prekida u snadbijevanju električnom energijom u Simin Hanu

Bosna i Hercegovina
Federacija Bosne i Hercegovine
Tuzlanski kanton
GRAD TUZLA
GRADSKO VIJEĆE
Broj: 01/04-A-176-2026
Tuzla, 15.1.2026. godine

GRAD TUZLA

- Gradonačelnik Grada Tuzle dr.sc. Zijad Lugavić
- Sekretar organa državne službe
- Služba za geodetske i imovinsko-pravne poslove, evidenciju i upravljanje imovinom
- Služba za prostorno uređenje i zaštitu okoline
- Služba za komunalne poslove, izgradnju i poslove mjesnih zajednica
- Stručna služba Gradskog vijeća

ELEKTROPRIVREDA BIH DD SARAJEVO

ELEKTROPRIVREDA BIH DD SARAJEVO
Podružnica Elektrodistribucija Tuzla

KANTONALNA UPRAVA ZA INSPEKCIJSKE POSLOVE
Kantonalni elektroenergetski inspektor

PREDMET: Obavijest

Na 7. vanrednoj sjednici Gradskog vijeća Tuzla, održanoj 15.1.2026. godine, pod tačkom **1. Razmatranje informacije u vezi sa realizacijom Odluke Gradskog vijeća Tuzla o utvrđivanju javnog interesa za izgradnju elektroenergetskog objekta KBTS 10(20)/0,4 kV „Simin Han 1“ sa priključnim 10 (20) kV srednjenaponskim vodom na lokaciji Simin Han u gradu Tuzli kao i o razlozima višegodišnjeg prekida u snadbijevanju električnom energijom u Simin Hanu**, usvojeni su sljedeći

ZAKLJUČCI

1. Gradsko vijeće Tuzla traži od JP Elektroprivreda BiH dd Sarajevo, Podružnica Elektrodistribucija Tuzla i od resornih gradskih službi da najkasnije do februarske sjednice Gradskog vijeća dostave pisane odgovore na pitanja postavljena od strane vijećnika u toku rasprave.
2. Zadužuje se Stručna služba Gradskog vijeća da stenogram sa današnje vanredne sjednice Gradskog vijeća Tuzla dostavi Elektrodistribuciji Tuzla i resornim gradskim službama.
3. Gradsko vijeće Tuzla traži od JP Elektroprivreda BiH dd Sarajevo, Podružnica Elektrodistribucija Tuzla i od Gradske uprave Grada Tuzle da Gradskom vijeću u roku od 15 dana dostave pregled svih neriješenih predmeta koji se vode kod nadležnih službi Grada Tuzle, odnosno predmeta čiji podnosilac su službe Grada Tuzle a koji se vode kod Elektrodistribucije Tuzla, uz obrazloženje da li postoje i koje su to prepreke za njihovo rješavanje.
4. Gradsko vijeće Tuzla zahtijeva od nadležnih gradskih službi da maksimalno ubrzaju rad na predmetima JP Elektroprivreda BiH dd Sarajevo, Podružnica Elektrodistribucija Tuzla, te da se ovi predmeti uzmu kao najveći prioritet, sa posebnim naglaskom na predmete koji se odnose na izgradnju elektroenergetskog objekta Simin Han 1.
5. Gradsko vijeće Tuzla traži od gradonačelnika Tuzle i nadležnih službi da (ponovo) zakažu sastanak sa predstavnicima JP Elektroprivreda BiH dd Sarajevo, Podružnica Elektrodistribucija Tuzla sa ciljem razmatranja mogućnosti bržeg rješavanja započetih postupaka koji se odnose na postojeću lokaciju za izgradnju elektroenergetskog postrojenja Simin Han 1, a ukoliko se procijeni da će postupci njihovog rješavanja i dalje teći sporo i trajati dugo, da zajednički pokušaju iznaći rješenje za novu lokaciju za koju se procijeni da bi moglo doći do brže i hitnije realizacije.
6. Kada je u pitanju problem sa neredovnim snadbijevanjem električnom energijom naselja Orašje, Pasci, Par Selo, Ljubače, Morančani i dr. koji se snadbijevaju vodovima iz Živinica, kao i drugih naselja koja imaju česte prekide u snadbijevanju električnom energijom, Gradsko vijeće Tuzla traži od JP Elektroprivreda BiH dd Sarajevo, Podružnica Elektrodistribucija Tuzla da hitno pristupi izradi elaborata kompletne sanacije vodova svih

ugroženih područja, posebno vodova koji se napajaju iz Živinica, te da se izrada elaborata i poduzimanje mjera proisteklih iz elaborata, kao najveći prioritet, uključe u Plan poslovanja JP Elektroprivreda BiH dd Sarajevo i Podružnice Elektrodistribucija Tuzla za 2026. godinu. S obzirom da je Plan poslovanja (vjerovatno) već usvojen, traži se da se pristupi izmjenama i dopunama Plana i da se ove aktivnosti planiraju kao prioritet u Planu poslovanja Elektrodistribucije Tuzla za 2026. godinu.

7. Traži se od elektroenergetskog inspektora Kantonalne uprave za inspekcijske poslove da provjeri u kojem je stanju elektroenergetska mreža na područjima Orašje, Par Selo, Pasci, Ljubače, Morančani, Križani, Kolovrat, Kojšino i drugih naselja na području grada Tuzle te da, u skladu sa utvrđenim stanjem na terenu, naloži JP Elektroprivreda BiH dd Sarajevo, Podružnica Elektrodistribucija Tuzla hitno provođenje mjera za normalizaciju napajanja električnom energijom ovih i svih drugih naselja za koja se ustanovi nedovoljno i neredovno napajanje električnom energijom.

8. S obzirom da rješavanje problema redovnog snabdijevanja električnom energijom tuzlanskih naselja u mnogim aspektima (prije svega finansijskim) prevazilazi mogućnosti i nadležnosti Elektrodistribucije Tuzla, Gradsko vijeće traži da se sa svim zaključcima vanredne sjednice Gradskog vijeća Tuzla upozna rukovodstvo JP Elektroprivreda BiH dd Sarajevo, te da se, zajedno sa Elektrodistribucijom Tuzla, očituje o mogućnostima i eventualnim rokovima njihovog rješavanja.

9. Gradsko vijeće Tuzla utvrđuje da je pronalazak nove lokacije za izgradnju trafostanice „Simin Han 1“ na zemljištu sa jednim ili jasno definisanim vlasnikom, najefikasnije i najbrže rješenje, s ciljem izbjegavanja dugotrajnih i složenih imovinsko-pravnih postupaka.

10. Gradsko vijeće Tuzla utvrđuje da je JP Elektroprivreda BiH dd Sarajevo, Podružnica Elektrodistribucija Tuzla odgovorna za obezbjeđivanje odgovarajuće lokacije (parcele) za izgradnju trafostanice „Simin Han 1“, dok je Gradska uprava Grada Tuzle odgovorna za izdavanje neophodnih urbanističkih, građevinskih i drugih dozvola, u skladu sa važećim propisima.

11. Gradsko vijeće Tuzla traži od JP Elektroprivreda BiH dd Sarajevo, Podružnica Elektrodistribucija Tuzla da u roku od 30 dana:

- predloži jednu ili više alternativnih parcela sa riješenim ili jednostavnim vlasničkim statusom,
- dostavi tehničko obrazloženje izbora lokacije.

12. Gradsko vijeće Tuzla nalaže da se prilikom izbora nove lokacije prednost da:

- zemljištu u vlasništvu Grada Tuzla,
- zemljištu sa jednim vlasnikom ili jasno riješenim i riješivim vlasništvom,
- lokaciji koja omogućava najkraću i tehnički najjednostavniju trasu priključnih vodova.

13. Po pronalasku nove lokacije, Gradsko vijeće traži od JP Elektroprivreda BiH dd Sarajevo, Podružnica Elektrodistribucija Tuzla da bez odlaganja:

- prilagodi idejno i glavno projektno rješenje novoj lokaciji,
- pokrene postupak izdavanja potrebnih saglasnosti po ubrzanoj proceduri.

14. Gradsko vijeće Tuzla nalaže da se u roku od 45 dana dostavi Gradskom vijeću:

- konačan prijedlog lokacije,
- plan realizacije sa rokovima za izgradnju trafostanice.

15. Gradsko vijeće Tuzla predlaže da se do okončanja postupka eksproprijacije nađe rješenje podzemnih vodova od parcele na kojoj je planirano postavljanje trafostanice do priključaka. Trenutno predloženo rješenje su nadzemni kablovi koji prelaze preko parcela za koje se vodi postupak eksproprijacije i gdje je teško i dugotrajno rješavanje imovinskih odnosa. Podzemnim vodovima bi se moglo ići u putnom pojasu postojeće ceste.

16. Gradsko vijeće Tuzla predlaže JP Elektroprivreda BiH dd Sarajevo, Podružnica Elektrodistribucija Tuzla da prije odabira trase infrastrukturnog projekta dođu u Službu za geodetske i imovinsko-pravne poslove, evidenciju i upravljanje imovinom i izvrše uvid u imovinsko stanje kako bi vidjeli šta je rješivo brzo, a šta ne.

17. Ukoliko dođe do odugovlačenja, nepoštivanja rokova ili nerealizacije usvojenih zaključaka, odgovornost za dalje posljedice snose nadležni subjekti, a građani Simin Hana će, u skladu sa zakonom, biti primorani da svoja prava ponovo traže putem mirnih protesta.

18. Gradsko vijeće Tuzla, u cilju efikasne realizacije projekta izgradnje trafostanice „Simin Han 1“, zadužuje Gradonačelnika Grada Tuzla da, u saradnji sa JP Elektroprivreda BiH dd Sarajevo, Podružnica Elektrodistribucija Tuzla, imenuje zajedničkog koordinatora projekta koji bi bio zadužen da:

- prati realizaciju svih aktivnosti vezanih za obezbjeđivanje lokacije, izdavanje dozvola i izgradnju trafostanice „Simin Han 1“,
- osigurava kontinuiranu komunikaciju između Grada Tuzle i JP Elektroprivreda BiH dd Sarajevo, Podružnica Elektrodistribucija Tuzla,
- identifikuje i odmah eskalira administrativne, tehničke i imovinsko-pravne prepreke,
- mjesečno podnosi pisani izvještaj Gradskom vijeću i informiše predstavnike građana Simin Hana.

19. Gradsko vijeće Tuzla traži od Elektroprivrede BiH dd Sarajevo da, putem nadležnih organizacionih jedinica (Elektrodistribucija Tuzla i Elektrodistribucija Tuzla PJ Živinice), u roku od 30 dana, dostavi jedinstven, objedinjeni izvještaj o stanju elektroenergetske mreže na području grada Tuzla, uključujući:

- tehničko stanje mreže,
- razloge čestih i višednevni prekida,
- identifikaciju kritičnih dalekovoda i trafostanica,
- plan kratkoročnih i dugoročnih mjera sanacije i modernizacije.

20. Gradsko vijeće Tuzla inicira pokretanje postupka razmatranja teritorijalne reorganizacije elektrodistributivne mreže, s ciljem da mjesne zajednice koje administrativno pripadaju Gradu Tuzla budu u nadležnosti Elektrodistribucije Tuzla, a ne drugih poslovnica. U tom smislu, Gradsko vijeće zadužuje Gradonačelnika da:

- uputi zvaničnu inicijativu JP Elektroprivreda BiH dd Sarajevo,
- zatraži stručno i pravno mišljenje o mogućnostima reorganizacije,
- izvijesti Gradsko vijeće o rezultatima.

21. Gradsko vijeće Tuzla traži od nadležnih institucija da se ponovno izvrši inspekcijski nadzor elektromreže (niskonaponske i visokonaponske) i izmjere naponske vrijednosti elektromreže u mjesnim zajednicama Par Selo, Pasci, Ljubače, Husino i Kiseljak.

22. Gradsko vijeće Tuzla traži od nadležnih institucija da se sačini detaljna i javno dostupna analiza stanja kompletne elektroenergetske mreže u mjesnim zajednicama Par Selo, Pasci, Ljubače, Husino i Kiseljak, sa posebnim akcentom na dalekovode.

23. Gradsko vijeće Tuzla traži od nadležnih institucija da se sačini plan sanacije i rekonstrukcije, kao i otklanjanje problema i kvarova sa detaljnim vremenskim okvirima za mjesne zajednice Par Selo, Pasci, Ljubače, Husino i Kiseljak.

24. Gradsko vijeće Tuzla traži od nadležnih institucija da se preventivno pregleda cijela trasa elektromreže i preventivno posijeku stabla i granje koje su potencijalna smetnja elektromreži u mjesnim zajednicama Par Selo, Pasci, Ljubače, Husino i Kiseljak.

25. Gradsko vijeće Tuzla traži od nadležnih institucija da se planska isključenja električne energije dogovaraju sa savjetima mjesne zajednice Par Selo, Pasci, Ljubače, Husino i Kiseljak.

26. Gradsko vijeće Tuzla izražava ozbiljnu zabrinutost zbog dugogodišnjih i učestalih prekida u snabdijevanju električnom energijom u naseljima Orašje, Par Selo, Brda, Pasci, Petrovice, Ljubače, Morančani, Smajići, Husino i Kiseljak.

27. Gradsko vijeće Tuzla zadužuje Gradonačelnika i nadležne gradske službe da u roku od 15 dana upute zvaničan zahtjev JP Elektroprivreda BiH dd Sarajevo i Elektrodistribuciji Tuzla PJ Živinice za hitnu analizu stanja visokonaponske mreže na navedenom području.

28. Gradsko vijeće Tuzla zahtijeva dostavljanje pisanog izvještaja o tehničkom stanju mreže, sa jasno definisanim mjerama i rokovima za sanaciju, rekonstrukciju ili potpunu zamjenu dotrajale infrastrukture.

29. Gradsko vijeće Tuzla insistira na izradi trajnog i sistemskog rješenja koje podrazumijeva potpunu rekonstrukciju visokonaponske mreže, a ne parcijalne i privremene intervencije.

30. Gradsko vijeće Tuzla zadužuje Grad Tuzla da, u saradnji sa JP Elektroprivreda BiH dd Sarajevo, razmotri mogućnost promjene nadležnosti održavanja elektroenergetske mreže na način da održavanje preuzme Elektrodistribucija Tuzla.

31. Gradsko vijeće Tuzla posebno naglašava humanitarni aspekt problema i zahtijeva da se u kriznim situacijama osigura prioriteta zaštita domaćinstava sa djecom, starijim osobama, bolesnim i socijalno ugroženim građanima.

32. Gradsko vijeće Tuzla zadužuje Gradonačelnika da o realizaciji zaključaka informiše Gradsko vijeće u roku od 60 dana.

33. Gradsko vijeće Tuzla traži od Elektrodistribucije Tuzla da se zamjene postojeći drveni stubovi niskonaponske mreže u naselju Donji Čaklovići jer je situacija alarmantna a sigurnost građana ugrožena naročito nakon snježnih padavina.

34. Gradsko vijeće Tuzla traži od Službe za prostorno uređenje i zaštitu okoline da dostavi informaciju da li su dobili pomenuti zahtjev od Elektrodistribucije Tuzla te ukoliko jesu i ukoliko su ispunjeni zakonski uslovi, da urgentno izdaju urbanističku dozvolu kako bi došlo do realizacije jer su građani Gornje Tuzle izloženi čestim nestancima električne energije i nestabilnom naponu koji izaziva stradanja električnih uređaja a što se posebno odnosi na veliki broj firmi koje egzistiraju na tom području.

35. Gradsko vijeće Tuzla poziva nadležne gradske službe da upute zahtjev Elektrodistribuciji Tuzla PJ Lukavac da provjere stanje mreže napajanja u naselju Šići.

36. Gradsko vijeće Tuzla konstatuje da je Odluka o utvrđivanju javnog interesa za izgradnju trafostanice KBTS „Simin Han 1“ donesena 15.9.2022. godine, ali da ista do danas nije realizovana, iako aktivnosti Elektrodistribucije Tuzla traju još od 2016. godine, što predstavlja ozbiljan propust u zaštiti javnog interesa i sigurnosti građana.

37. Gradsko vijeće Tuzla zadužuje Gradonačelnika i nadležne gradske službe da, u saradnji sa Elektrodistribucijom Tuzla i JP Elektroprivreda BiH dd Sarajevo, do februarske sjednice Gradskog vijeća Tuzla dostave prijedlog konkretnog, operativnog i vremenski definisanog plana, koji mora obuhvatiti:

- rješenje putem druge lokacije realizacije projekta na efikasan način, jer proces eksproprijacije dugo traje, sa neizvjesnim ishodom,

- privremene tehničke mjere obezbjeđenja električne energije do konačnog rješenja,

- rokove za izgradnju i puštanje u rad trafostanice.

U te svrhe Kolegij Gradskog vijeća Tuzla će u prijedlog dnevnog reda januarske ili februarske redovne sjednice Gradskog vijeća uvrstiti tačku pod nazivom: Rješenje problema visokonaponske mreže i trafostanice u MZ Simin Han i niskonaponske mreže u svim mjesnim zajednicama gdje postoje problemi sa električnom energijom.

38. Gradsko vijeće Tuzla posebno zahtijeva od Elektrodistribucije Tuzla da:

- bez odlaganja obezbijedi tehničke mjere stabilizacije napona,

- jasno navede koje mjere je moguće preduzeti odmah, nezavisno od eksproprijacije.

39. Gradsko vijeće Tuzla traži od JP Elektroprivreda BiH dd Sarajevo da preuzme aktivniju ulogu u rješavanju problema trafostanice u Simin Hanu, s obzirom da se radi o objektu od utvrđenog javnog interesa, te da osigura institucionalnu i tehničku podršku za trajno rješenje problema.

40. Gradsko vijeće Tuzla nalaže mjesečno izvještavanje o realizaciji zaključaka Gradskog vijeća, sve do konačnog rješavanja problema snabdijevanja električnom energijom u Simin Hanu i svim mjesnim zajednicama u Tuzli i po osnovu loše niskonaponske mreže.

41. Traži se od Elektrodistribucije Tuzla i od resornih gradskih službi da odmah sutra izađu na teren i da konačno riješe problem vezan za stub broj 4 jer će, kako je navedeno, rješavanje ovog stuba dovesti do rješavanja problema.

42. Gradsko vijeće traži od JP Elektroprivredu BiH dd Sarajevo da obaveže Elektrodistribuciju Tuzla da u roku od 30 dana iznađu novu trasu ili način napajanja, pokrenu postupak obezbjeđenja odobrenja za gradnju te da o tome obavijesti ovo Gradsko vijeće.

43. Gradsko vijeće Tuzla traži od Gradonačelnika da se rebalansom Budžeta Grada Tuzle obezbijede sredstva za popunjavanje upražnjenih radnih mjesta u Službi za geodetske i imovinsko-pravne poslove, evidenciju i upravljanje imovinom i da se odmah raspiše konkurs za radna mjesta za koja su u Budžetu planirana sredstva.

44. Gradsko vijeće Tuzla traži od Gradonačelnika da se još jednom razmotri Odluka o organizaciji i djelokrugu rada uprave Grada Tuzle i da se nađe bolje rješenje kada su u pitanju stanovi i poslovni prostori, pa da se ovi poslovi koji su prebačeni u nadležnost Službe za geodetske i imovinsko pravne poslove, evidenciju i upravljanje imovinom, sasvim neprirodno, ili vrate u Službe u kojima su bili ili da se osnuje posebna služba za upravljanje imovinom Grada Tuzle.

45. Gradsko vijeće Tuzla traži od resornih gradskih službi i od Elektrodistribucije Tuzla da dostave operativni plan djelovanja kako bi se riješio problem snabdijevanja električnom energijom u MZ Simin Han a onda sukcesivno i u ostalim mjesnim zajednicama.

S poštovanjem,

DOSTAVITI:

9 x naslovu

1 x Stručna služba za poslove gradonačelnika

1 x evidencija

1 x a/a

PREDSJEDAVAJUĆA

Ana Pejić, BA prava